

周
中
丞
疏
稿

中州疏稿卷之二

臨川周孔教明行父著

屬吏

祁永燦陳以開

全校

舉劾武職官員疏

為循例舉劾武職官員事臣奉

命巡按河南先於萬曆十九年十月二十五日與
前按臣林文英交代行事間於萬曆二十年
九月內接見邸報欽蒙

聖恩改補直隸提督學校所有武職官員例應舉

勅臣訪得河南都司軍政會書提督局捕兼
管城操署都指揮僉事柯鷹揚性行潯均曉
暢軍事督捕無葦符之警訓練周棄土之謀
河南巡撫標下練兵遊擊將軍李達時貢幽
燕之氣擅騎射之長談論鵠腹皆兵奮激一
身是膽守備唐縣等處地方以都指揮體統
行事署指揮使王公翠器與幹合鬱成將材
穎末已露於處囊衣初更嚴於防曠守備汝
寧等處地方以都指揮體統行事署指揮僉

事丁從啟猛氣咆嘯騎射精長用之邊方必
有樹立河南衛指揮同知王納諫桓桓氣槩
赳赳雄姿中軍而紀律惟明當敵而智勇必
奮陳州衛指揮同知青若水發身學劍餘力
知書廉平盡得士心慷慨老閑將略宣武衛
指揮同知吳國輔夙負氣槩蚤習兵符署兼
而軍政修明領班而士心悅服宣武衛後所
百戶翟子勲留心劍術奮發武科綽有能將
之風可備材官之選以上諸臣皆一時武弁

之良所當薦揚以備副叅遊守之選者也內
如丁從啟者騎射之長尤稱絕技臣一日閱
操令其手握三十矢射于百步之外不待審
固隨手而發應手而中無遺矢者真射鵰之
手兩河武弁無出其右但其性非曲謹守有
小疵當此邊方多事之時正使貪使詐之會
倘略二卵之嫌必得一臂之用臣故併薦其
能以備一時緩急之用也原任河南都司掌
印署都指揮僉事溫江增峻有志軒豁多才

譚兵悉改守之機馭卒得操縱之體原任
神機十營佐擊將軍王延世儀容魁岸才略疏
通聲望久著嵩山功名可期邊徼以上二臣
所當及時推補以盡其才者也又訪得守備
嵩縣等處地方以都指揮體統行事指揮僉
事李鶴既微且僇又貧而殘張侯樹鵠無一
矢之能視帟貪狼有百方之巧軍機本以備
役使也乃占役百餘輩半多折銀以充囊民
壯本以防曠也乃乾沒十餘名急則顧募以

充數侯世忠等二十餘人竊礦被獲法當中
詳胡為人為罰罪罪為折銀五兩有餘竟爾
釋放保甲劉良臣等四十餘人點卯不到固
當清查胡為人為罰大紙二刀刀為折錢三
百文嚴刑比追小道來齊民耳柴炭薄業耳
乃虧其價值致令自刎於階庭已而畏其父
告竟以重賄而和息此猶其小者也最可恨
者營席窩馬槽羊等洞乃姦狹窟穴之數于
進京韋邦王科等乃豪猾嘯聚之徒本官與

之往來餽遺閉門高卧任其縱橫莫之禁禦
竊恐由微至著積少成多萌芽斧柯將來為
地方患害不細宜亟將李鶴年任回衛另擇
一廉將代之雖然臣猶有說焉夫

國家之用將如大匠之用木防虜當取勇防曠
當取廉邊徼日見虜勇則其氣奮防曠日見
金廉則其守定乃若所謂廉將臣疏內所薦
青若水是矣今中原方患無兵而以強弩敢
死之士弃之為曠盜方患無財乃以天地自

然之利弃之於盜亦可惜也誠得廉如青若
水者整理其事內練毛兵外防曠盜俟紀律
粗定兵民心調然後擇一廉幹有心計司道
督理曠事如鹽法事例似或可行不則徒滋
害耳伏乞

勅下兵部再加查訪如果臣言不謬將柯鷹揚等
量材擢用溫沚等及時推用李鶴革任回衛
或將青若水就近推補則勸懲分明而軍政
有賴矣緣係循例舉劾武職官員事理未敢

擅便為此理合具本專差承差曹汝為親齎
謹題請

旨

薦舉教職官員疏

為循例薦舉教職官員事臣奉

命巡按河南先於萬曆十九年十月二十五日與
前按臣林文英交代行事間於萬曆二十年
九月內接見邸報欽蒙

聖恩改補直隸提督學校所有教職官員例應薦
舉臣訪得汝寧府儒學教授徐維濂學得吳
中之精華行持汝南之管鑰改教為母大誼
尤高遂平縣儒學教諭林國光學窮閭奧行

著表儀摘詞風水成文展足雲霄在望太康
縣儒學教諭張必振學有師承動遵渠燮允
矣鳴鐸之選綽有製錦之能濟源縣儒學教
諭甘學書學有淵源文無繩削樹儒林之赤
幟堪花縣之白眉孟津縣儒學教諭祝來慶
妙齡粹質博學宏詞黉宮有振鐸之聲公門
無曳履之迹泌陽縣儒學教諭李如寶整飭
功令興起斯文志不懈於三餘才實堪乎百
里扶溝縣儒學教諭鄭國才一簾畫靜鄭廣

文之著書滿座春風馬季長之設帳沈丘縣
儒學教諭葉文憲虞庠俊造漢殿芳聞雅負
六藝之長宜展千里之足信陽州儒學學正
張邦基學咀英華行敦本實橫經雅能造士
試政定是宜民光州儒學學正劉大綸倚席
橫經樂育二三洙泗篝燈副墨扶搖九萬滄
溟汝陽縣儒學教諭符棠春風絳帳諸生飲
袂如歸夜雨青絃萬卷埋頭欲遍及縣儒學
教諭錢崑識度閑雅學問疏通壯志尚思凌

雲長材九堪製錦獲嘉縣儒學教諭劉芳大
識度高華學業醇茂擢管可以射覆持身不
啻履繩葉縣儒學教諭王邦靜平姿儒雅經
學修明教已孚於青衿才堪寄乎赤社光州
儒學訓導吳瑞登抑首窮經雅志續史文早
騰於紙價夢想生於筆花偃師縣儒學訓導
俱宰廬墓讓產鄉評最高課士校文學規甚
肅光山縣儒學訓導王懋官學有本源詞無
枝葉不愧儒行雅稱師模上蔡縣儒學訓導

余璘舉動儒雅經術疏通教行青衿譽滿黌
序以上諸臣所當薦揚以備六館有司之選
者也伏乞

勅下吏部再加查訪如果臣言不謬將徐維濂等
酌量循資擢用庶師儒知勸而風教有裨矣
緣係循例薦舉教職官負事理未敢擅便為
此理合具本專差承差曹汝為親齎謹題請
旨

薦舉首領佐貳疏

為循例薦舉首領佐貳官貢事臣奉

命巡按河南先於萬曆十九年十月二十五日與
前按臣林文英交代行事間於萬曆二十年
九月內接見郎報欽蒙

聖恩改補直隸提督學校所有首領佐貳官貢例
應薦舉臣訪得按察司知事王元弼資性闇
典政體疏通志能屬於困衡才愈熟於閱歷
按察司照磨劉良佐志不懈於左遷才益請

於歷試署邑廉謹佐幕勤勞彰德府經歷陳
鉅性本誠薦才亦通明不忝儒流儘曉吏事
南陽府經歷李時化資性醇謹事體通明清
屯有方部解不染睢州判官盛尚志事以久
而益練志以挫而益堅幕佐久淹煩劇堪任
光州判官藍先憲識度英朗政務詳明催檄
調停署邑安靜祥符縣管河縣丞姚學孔才
堪理劇守若棒盈勤勞獨多卑官難得獲嘉
縣縣丞孫承光委署疲邑而寬猛得宜開墾

荒田而流移漸復以上諸臣皆卑官中賢能
堪任府佐縣正之選內如縣丞姚學孔河上
勤勞四年上下稱許一口至於操持謹慎尤
小官所難似當亟陞以風小吏者也伏乞
勅下吏部再加查訪如果臣言不謬將王元弼等
量材擢用則諸臣必感激思奮庶於吏治有
裨矣緣係循例薦舉首領佐貳官負事理未
敢擅便為此理合具本專差承差曹汝為親
齎謹題請

音

薦舉王官疏

為循例薦舉

王府官員事臣奉

命巡按河南先於萬曆十九年十月二十五日
前按臣林文英交代行事間於萬曆二十年
九月內接見邸報欽蒙

聖恩改補直隸提督學校凡境內
王府聞見頗真遵奉

明例應照有司一體舉劾臣備查

王官政務原簡與有司日親民事者稍異間有
一二年近哀庸已經勒令致仕外臣訪得
潞府長史司左長史楊同善淵沉沉潛風襟篤
實畫一聲高齊國文雅價重江東右長史劉
以平鎮定有執真實不浮託後乘而講讀惟
勤曳長裾而夙夜匪懈

周府長史司左長史梁欽練達國體克紹家風
啟沃之功居多輔導之職允稱

趙府長史司右長史蘇滿體諳練

文雅克堪輔國操履不虧
潞府審理所審理正李維美問學優長氣資儒
雅授書有功啟沃讞獄咸服公明

趙府審理所審理正陳養才器資闡爽學問疏
通志不挫於投閑才尤長於讞獄以上諸臣
皆輔導之良所當薦揚內如楊同善劉以平
輔導已久資俸稍深倘或照題

准事例破格拔用庶曳裾之勞有改步之望矣伏
乞

勅下吏部再加查訪如果臣言不謬將楊同善等
紀錄拔用庶

王官知所勸勉而於

親藩為有補矣緣係循例薦舉

王府官負事理未敢擅便為此理合具本專差
承差曹汝為親齎謹題請

旨

糾劾不職方面官員疏

為糾劾不職方面官員以備考察事照得萬
曆二十年復當大察之期所有按屬不職方
面官員例應糾劾臣竊惟監司坐鎮一方儼
然為封疆之臣百城之所仰鏡也必其人端
方正直始可以樹標作則千里之所歸赴也
必其人仁厚平恕始可以集衆和民乃若脂
韋如布政司右布政使姚學閔者不可則矣
刻急如原任按察司分巡汝南道僉事余丁

憂類洪範者衆不親矣臣請得而詳言之臣
謹按姚學閔才識敏捷精於吏事臣不敢掩
其所長然此簿書期會之能耳要之士君子
立身行己自有大節近言官建白重撫臣之
選先品格乃若布政去巡撫一間也學閔之
品格何如也其他揭害故上蔡令濫取各屬
鍰金無論矣論其大節先是輔臣張居正嗟
歎王篆附炎學閔以吏部侍郎陳思賢為介
結王篆因王篆結張居正引繩批根深相締

納內憑寵靈外作威福鼠牙穿室虺毒吹人
無論李天植李洸張岳等相繼被傷而去側
聞劉臺之死鄒元標之戍亦與幕中之謀士
論以此少之已而閱視宣大山西驅駕氣勢
監司而下皆望塵而拜冒於貨賄不可厭盈
至今三鎮之流言未息也夫自張居正既敗
一時依附之徒身寒於冰山之顏變連於長
木之標輕則成破甑之吁重則受覆巢之禍
乃學閥猶然無恙坦途至今不為狡兔之爰

曰少正
爰乎人皆議其漏網矣顏洪範擅幹精悍銳
於振刷臣不敢掩其所長然此一切趨辦之
治耳要之居上治民自有大體屢厯

明肯念災傷之地先節愛中州固災地也洪範之
節愛何如也其他聞書辨王文彩之通賄家
人顏書之外市無論矣論其信事蓋中州風
俗悃悃人情謹愿本不可以江南之治治之
乃洪範居食必求至精變悃悃而為紛華服
從必求伶俐化謹愿而為機智水陸之珍如

取諸藩牆之下乃已不則便大怒即食咄嗟
便辦乃已不則推案不食嗔甚郡縣多苦之
門役夜拊背偶睡詬躍呼杖未至即手界方
捶其面血流至股嘗夜走平上關去州可九
十里天雨雪寒甚輿隸不能行以鞭箠使之
是夜凍死夫汪中璧等四人民兵張望一人
其他以凍折指者固可掬也其天性慘急多
類此鄉官胡秉性以睚眦之怨下令嗾民告
之胡鄉官念不可解乃屬經歷汪綬進百金

為乃父壽乃已汪綬故黠吏以便嬖得意稍
稍與馮門子為姦利行之日計扛五十一轎
二十乘夫多亡拘田夫代之靳縣丞宓典史
擲雨行田間追呼達旦驚悸欲死至今汝南
吏民言之凜凜餘威尚在也夫性急如怒蠅
操下如束濕謾罵而郡縣俛首飲氣馮怒而
丞史破膽一迹是何希視之眈眈乎人且謂
其負嵎矣叅照得姚學閔膚立無骨如附松
之女蘿託根甚巧顏洪範慘澣少恩如當路

之荆棘傷人必多此二臣者材幹有餘德器
不足均當議處以示懲創者也

糾劾不職有司疏

為糾劾不職有司官負以備考察事竊得嘉
曆二十年復當大察之期所有按屬不職有
司官負例應糾劾臣訪得原任彰德府知府
今丁憂林鳴盛蒲柳之姿易謝桑榆之計甚
工府堂經年不上百事俱廢獨收銀受狀不
廢常坐後堂衙門徹夜不關胥役無禁即閭
巷小民亦無禁有如夜市旬為一准狀不下
百餘張張為批縣無不取供者快手張進孝

等催贖急於星火計府各舖行不下百餘家
家為取貨物價不以時給者舖戶率天相等
怨恨入於肺肝額解錢糧十餘萬每兩加二
秤收止如額起解餘入已大戶揚其等證領
給賑銀三千餘兩計放過二千五百餘兩餘
入已寫字馮冲等證最可恨者交盤之日與
李推官當堂爭贖至攘臂謾罵此不可使鄰
國聞也起行之期縞素與送客置酒高會甚
且行歌而歸呼此不可令衆庶見也原任汝

寧府知府今丁憂林雲程耳既無聞心復多
愁閤卷騷動左右縱橫任吏張方振等以為
耳目或聽審而傳言或成供而譖稟光州生
儒嘖有煩言信閤門子以為心腹或入而與
管家老三過賍或出而指官誑騙被害渠來
賁等不勝愁嘆葛布濫取於屬官羅山張知
縣信陽何吏目拱手而效實紬段強賈於舖
戶山西客人魏強等折價而吞聲修公廨而
罰及七路地方高恩等二百餘名每名不下

十兩已而木石之費又取之行戶則前銀將
焉用之各州縣解到錢糧計每歲不下萬餘
兩兩為加二秤收起解如額而止則羨餘將
安歸乎至於庫吏賈應詔以侵欺坐已而以
賄釋豪吏戴召之父以訪問坐已而以賄釋
杜大友以人命坐已而以賄釋既已染指可
恥難曰重聽何妨原任河南府同知今陞南
京工部都水司郎中張夢蟾斗筭之才囊橐
是計取物無論文穀細輒之重者即漿兒酒

日取一壺誠為哺啜可羞罰贖無論金錢穀粟之大者即皂快以不時點人為罰雞卵十箇無乃雞豚必察方韓知府以憂聞即封府庫查扣羨餘銀二百餘兩半以與韓知府而未受繼葉知府甫任句磨庫冊少庫銀一百餘兩幾欲發覺而曲全賑銀計一千四百兩每兩計錢八百文乃拘富戶易錢每兩增錢十文則餘錢將焉用之飢民共五千七百七十五名見謂給錢為費乃名為給饅頭一枚

計錢可值一文則前銀何所歸也辟之扼吭
奪食真是當盡攫金原任衛輝府通判今陞
周府審理徐二奇年迫桑榆知昏菽麥中懷機
知外示若愚李客索京債而謾罵衙門已駭
物聽周知府反以庇護而見疑入

覲而索各屬餽遺已起官謗邵知縣竟以減數而
獲戾光運則索各縣國頭常例五兩打點銀
倍之大戶周海鷗等家為之怨比較則索各
里寬限銀二十兩火耗倍之杜老孟大印等

人為之讎撮取不遺酒米行戶恨不唾其面
饋遺下及輿隸僚屬羞與之肩陳州知州夏
相虞識小醢雞醵同頌鼠微收則雜派過於
常額聽讞則紙價重於罪錢行杖而打人脚
肚此何刑也得無慘礲少恩收銀而印賣封
袋此何體也無乃鎗銖必析生負秦繼妻死
於賊手至無幸矣故疑其獄以危之五十金
入而疑獄解為之過付者鄒武田魁也楊雙
泉楊章以賄博犯亦細故矣乃并其房屋而

少正
三
拆毀之房價入而群逮釋為之過付者馮守
愚也錢債小事也乃以鄉里之故令張才斃
於杖下而匹夫含冤人命重情也乃以賄賂
之故將王性讀從輕釋放而九原灰骨至於
春宴雜妓狎女學士高歌劇飲目挑心招履
舄錯亂尤屬不檢信陽州知州沈夢斗利令
知昏事以酒廢三日不飲形神便覺不親一
飲輒醉卧起都失常度性在必逞則行杖不
顧重輕蕪楚之下多怨聲念在自封則科罪

不介原被囊橐之中皆長物酒家黃加言等
計五十餘家家為欠酒債五百餘瓶瓶之罄
矣是誰之耻機戶胡自秋等計二十餘戶戶
為勾奪葛布五匹民不堪命杼柚其空修衙
而科民至百金是果何名違限而罰穀至五
十石豈盡備賑敢謂盡由酒過無乃實有慾
心商水縣知縣任博性類席冠賄成象齒放
告不介限期無不取供者而追贖急於星火
錢糧自有正額乃加二秤收而取羨析於錙

銖通縣十二里富戶王應林等里為出羊毛
百斤贏車二輛小車五之已而又以救護不
到各為罰穀五斗斗為折價五分即三十六
寺無不被害者已而又指查寄莊張吉等百
十餘家家為罰穀十石石為折價六錢即老
人鄧南堂十二名亦無不被罰者此博科罰
之贓也吹手趙樓等十八名名為月食六錢
輿隸倍之俱令其自為衣食計計實給財十
之三耳則前銀何所歸也奉文買麻萬七千

斤計價三百餘兩下令各行五百餘名名為
出麻三斤里長倍之計給值財十之二耳則
前銀何所歸也此博侵剋之贓也鹽商楊旺
以私鹽坐得銀錢十兩而釋張大興證王加
叙以人命坐得銀三十兩而釋劉光振證李
群以盜情坐得銀三十兩而釋郭應林證此
博枉法之贓也官箴大壞民怨已叢原任新
蔡縣知縣今丁憂黃用賢聞葺無能誅求殆
盡居民餽錢原為募夫而設乃額外多派民

有怨聲四路義糧原為賑饑而設乃每石加
利野多餓殍火耗有扣夫馬有扣工食有扣
庫吏楊加年等為之頭會箕歛而言利析於
秋毫宋監生以戶婚而罰穀四百石李邦武
以訪察而罰穀百石田任以姦情而罰穀百
石銀二十兩李湛如等以截劫故祖扛箱罰
穀二百石銀三十兩楊守仁等為之姦闌出
入而科罰嚴於密網至於寵愛門子小宋兒
等各賞馬快一名聽其詐鴈百端縱容積臬

栢良臣等一十六名誦為橫行八黨陽武縣
知縣王時泰老與病相尋貪與酷並濟遇事
昏昏不辦於利則心開遇吏煦煦有恩於民
則若讎聽讞不介曲直一味狠打即輿隸民
快皆得向前譖稟民誦為知縣滿堂遇事謾
無是非惟吏是聽以故段得榮等乘間弄權
邑呼為琴堂副二旬一受狀狀不下二百紙
無不取供者良民孫義等刺骨日取舖戶戶
不下百餘家鮮有得價者行戶豆小橋等吞

聲宣化保等之盡更寧止百也而保為罰銀
二十兩少亦不下十兩王國賓為之打點齊
義等十三鎮店行之盡更又奚止百也行為
罰銀十兩少亦不下五兩段得榮為之打點
大戶王民等蓋一百三十有五名更也而人
為責絀十刀少亦不下五刀刀為價銀四錢
任大道為之打點最可恨者以徭役小故而
白曾等斃於杖下以戶婚細事而毛博等殞
命於堦前原任泌陽縣知縣今被論調簡蘇

萬方帑視耽耽狼貪逐逐徵收錢糧每兩折
錢千文止以八百文起解餘入已里長胡學
詩等證審編馬戶百名止以七十五名差
餘入已富戶王繼昌等證聽理不論曲直惟
賄是視耿文翠以人命坐以五十金之賄而
釋曹繼孟證科罰不論貧富即寺觀僧道一
槩不遺王進成證此萬方之貪狀如此書手
呂應忠與趙雙渠有卻已而以姦義男馬應
期妻誣之上奏怒卻將馬應期榜掠數百當

日死民壯趙深因逐捕趙惟安不獲已而重
榜三十加三木當日死王自春鼓刀而屠乃
以犯禁重榜五十已而又將猪肉空其中令
自舂以頸實之熱甚生虫二日而死此萬方
之酷狀如此民怨已深官箴大壞雖經論劾
未盡其辜原任新野縣知縣今陞雲南馬龍
州知州陸科受才閹劣賦性貪婪內則趙門
子等為心腹惟其撥置外則以積壯張應節
等為爪牙聽其縱橫火耗每兩加二為輕耳

其他倉廩輿隸商賈雜稅之侵扣稱是至於
聽讞公然鬻獄如劉欽儒以人命告發罰修
布政司銀百兩而釋劉繼祖亦以人命告發
蜀脩察院銀三十兩而釋及王加棟之以姦
情發覺罰銀二十兩而釋及秦自然亦以姦
情發覺罰銀十五兩而釋穢跡已著清議不
容原任湯陰縣知縣今陞湖廣均州知州魏
汝松樗櫟庸才桑榆短景黷貨無厭如市賈
焉姑言其著者十六年賑銀千有餘兩槩縣

饑民九千餘丁為給銀八分大約共給銀
七百餘兩餘入已通縣力差雜銀一萬五千
餘兩糧銀倍之每兩加二秤收及解常額而
止餘入已迎接

潞府一切棚廠木植皆鄉民趙勉等出辦已而
又將前木改修察院申允抵價毫不給民俱
入已已而又借王尚書孫知府家古銅壽星
一古銅猴一古銅觀音一玉杯盤一俱不給
主俱入已乃若許一敬強姦鄧友村妻張氏

不從已而手刃張氏傷且放火以滅跡告發
受銀四十兩而釋李臣良妻傅氏以韓朝相
威逼自經告發受銀三十兩而釋藏謨嬖倡
陳氏逼死正妻妻弟元綿雲告發受銀二十
兩而釋至於交通儀賓趙存智娶部女張氏
公然為妾結納監生鄭大道私造船隻滿載
而歸尤騰物議大壞官箴項城縣知縣徐東
漸剛愎自用貪婪有聲聽理詞訟而追贖急
於捕亡徵收錢糧而加二猶為不足飢民四

千五百名下戶殺五斗中戶殺之上戶又殺之乃給以上戶報以下戶計兩給十固不二也修鼓樓罰富戶李可知銀三十兩已而罰麻承志修大堂銀二十兩已而又申允修尊經閣銀百五十兩計尊經閣費三十金耳鼓樓半之大堂又半之十又不二也至於齊樓以人命逮繫以五十金之賄而輕釋鄭仲光以姦殺發覺以四十金之賄而免刑尤屬枉法有碍官箴衰城縣知縣因於夏才誣庸暗

操履卑汙追贖牌票四出皂隸孔林等肢幾
無毛徵收火耗十二里老韓本約等怨已刺
骨黥賊李際運手刃陳守連傷證俱明矣三
十金入而陳海反坐監生李正春欺隱地糧
雷汝銀告實矣四十金入而雷汝銀招虛修
城而派夫三千名令其裹糧而應役夫價祇
以潤囊行戶百十餘家令其鱗次而供應物
價毫不及民皂隸劉會業等縱橫於鄉落而
雞犬不寧猾吏戴聘等喧呶於案前而猫鼠

共食原任襄城縣知縣今陞南京大理寺評
事陳震厚自封殖工於繡縫折肝膽於吏書
而何應科等倒持太阿之柄寄耳目於門子
而小趙兒等大開請托之門煮粥原有官銀
四百餘兩乃令鄉民師北溪等家為科米一
斗而枵腹無事條銀額派二萬餘兩乃令收
頭李雲梯等兩為科收加二而染指可恥孤
老月糧扣矣乃以賊贓破衣抵折真乞人所
不屑有犯私鹽獲矣乃斤為與民市錢何米

益之不遺監生李正春以人命坐以二百金
之賄竟從輕發落止罰穀百石富戶馬雙橋
亦以人命坐以五十金之賄竟以楊守已擬
抵即殞命片時原任考城縣知縣今下憂楊
名器本斗筲利競刀錐一請帖之失至瑣尾
乃鑰門大索致責人役共計二百餘板一違
點之罪至微細乃逐名問罪致罰收頭共計
一百餘金人犯喧呶於前而不能出片語急
則請典史李陽同堂分治權已旁落牌票稠

濁而出而不暇問所由以致吏崔可大等投
間作弊政多下移董來舉姦妻姪女柳氏已
而被柳氏咬其舌此明驗也竟以賄放將來
舉輕釋唐節姦婦丁氏已而被唐時雍告
發此的證也亦以賄放反將時雍招虛至於
獄之放紛而胡進孝等死於非命賦之無藝
而楊宗光等困於誅求原任唐縣知縣余陞
山西遼州知州單用賓貌已龍鍾人呼崔目
徵收則啜汁於羨餘而鉛銖必析獄則垂

誕於鍰贖而原被盡供吳東槐以人命坐乃
接受百金從輕擬徒趙士講以窩訪聞乃託
以腹心惟其指使關市之征甚嚴即竹頭木
屑亦所不遺致令行戶鄒守智熊漢等受累
飲氣衙門之防又疎即富民游商亦在不禁
以致積壯雪維新等乘間弄權息縣知縣楊
同春知小挈瓶思多喻畔志在於除盜因而
株連無辜邑頗怨聲念在於立威因而偏聽
濫刑民不堪命積書楊紹芳等拆封盜銀不

能覺察反累收頭劉崇讓等虛賂富民劉少
田窩家人化童為盜不能正法反打死化童
以滅口徐時和與王舉人有卻已而聽其屬
誣之為盜別問平反稱快李伯萬等劫掠王
詔家財已而王鄉官為之關說遂從輕釋放
不行耳輒而漫無主持氣類而全不振刷涉
縣知縣王肇基惛惛不辦忽忽若愁委聽于
猾吏楊桂芳等每躡足而附耳百事惟其從
吏倚信於積書張九章等輒推心而置腹一

切聽其焚惑案牘塵積几席一掬而沉閣者
半年積壯王忠等牌票四出人犯肩摩門屏
一事而淹留者數月門子小任兒等詐鴈百
端催課無法急則借富戶以起解王臣等千
金之欠負未償囊橐是計甚則扣各役以自
潤溫用等百金之工食入已一籌莫展百蠹
萌生以上諸臣均之不職在任博黃用賢俱
應照貪例王時泰蘇萬方俱應照酷例各革
職為庶幾二奇陸科魏汝松俱應照不謹例

各冠帶闌住林鳴武林雲程張夢蟾夏相虞
徐東漸因於夏陳震楊名單用賓俱應照不
及例降用沈夢斗楊國春俱應照不及例量
調簡僻王肇基應照不及例改教者也

中州疏稿卷之三

臨川周孔教明行父著

屬吏祁永燦全校

糾劾不職有司將領疏

為糾劾不職有司將領以肅吏治以飭軍政
事臣竊惟庶民得安其田里者在有司軍卒
不譁於營伍者在將領有司不得其人則民
病將領不得其人則軍病軍民不得其所而
病病而不能一日忘起也若不蚤為之所直

待報

命而受白簡焉則將吏之流毒滋甚軍民之受病日深矣故臣馬蕃所至據司道之揭報叅之士民之口碑有司不職者五人焉將領不職者一人焉敢據實為

皇上陳之訪得衛輝府通判王夢鯉百事糊塗一味嗜酒醉則馮怒而刑不止醒則刑止而已不知如遊靈山寺醉杖陶得智六十板檢驗醉杖刑吏段純五十三板算帳醉杖書手李

安固四十五板幾死聽斷辭杖楊守才六十
板身死至於張監生宣淫兒婦或謂錢神漏
網李知縣存餘會銀咸稱署篆入囊花炮為
戲耳快手崔伯川含淚而質馬違卯亦細故
耳大户朱邦義等被罰而輸錢此又其暴戾
之餘焰也但其事無機心行多質直投足屢
蹶末路堪悲此一臣者似宜降調閑散以示
懲創者也真陽縣知縣董三秦懦不任事闇
以生姦兩造紛拏以手刮席而已吏書附耳

而立決百事委頓俛首據案而已左右片語
而主行熊氏釐婦也尹維因積書趙古城為
之關說竟行票而逮繫矣王仲舉杖犯也久
奉批詳亦因趙古城為之延捱得及恤部而
改贖矣陳鳴鸞大辟也已經論斬亦因腹心
彭上簡為之打點竟從輕而改杖矣是以廝
臺之勢威於令輿隸之間誼於市貧者吞聲
富者得志刑政放紛遠近騷然厚嘗謂貪酷
之吏害止受害者若庸庸之吏一邑不治則

一邑害矣唯是年力精壯舉動儒雅尚堪為
弟子師此一臣者當改教以全器使者也郊
縣知縣扈魁性本庸回行復滓穢徵收每一
兩加二錢以上大戶王恕等傷心起解每百
兩加一兩有奇庫吏劉濟可經手王守庫李
調元王柰富氓也嗾巨盜翟汝松誣逮已而
各賂二十金得不問過付者劉濟可也監生
姜元妻高氏私惡少曾思元葉復恭已而姜
元暴屍事發賂白金八十兩得不問過付者

趙文禎也豪民王乃化其嫂孀居可千金之
產乃化欲得之逮之官百金入而嫠婦之產
去矣過付者王謙也王養民嬖妾歐妻至死
事在曖昧也乃榜掠數百即伊妻亦露體受
掠已而進百金為壽得不問訟甫畢而養民
亦死矣人皆冤之其他如修學之科罰稅銀
之侵扣一切瑣碎雜穢臣不論論其大者如
此長葛縣知縣近陞雲南南安州知州吳國
俊治行無狀貪淫有聲泰山關王等廟百餘

年來栢樹此神所依也一槩伐賣可謂竹頭
木屑之不遺張清黃中呂侯等各居積千餘
金此民之命也戶為稱貸是何窮簷下里之
必到槩縣地銀已有定派每頃額外徵銀三
錢有奇畢京之首告已成故紙通縣條銀自
有正額每兩加耗一錢以上撫按之禁約等
為贅疣迎接

潞府夫馬銀千餘兩計費銀十之七耳其餘金
何所歸也攢造黃冊銀二百餘兩計費十之

六耳其餘金又何所歸也言利析秋毫即青
夫馬頭如孫倫胡以德等莫不被剝通賄多
暮夜即姦夫姦婦如吳氏楊少川等皆得逃
刑最可恨者與黃門子母董氏私宣淫於桑
中娶西華縣女張氏為妾取笑於鄰國吏民
唾罵僚屬擲榆內御縣知縣羅曇趨利若赴
多封殖以自營疾民若讎每恣睢而賈怨關
防過弛家人羅友羅受等得與部民私通銜
璽不施吏書張思忠申中立等因而瞞官作

弊均平原有正額乃額外多徵每兩加耗二錢為少耳收頭吳文煥等證人犯原有正罪乃罪外加罰三日不完為違耳庫吏高良等證三十四保老人孫守坤等之盡更寧止百也人為罰大紅紙一刀刀為折價一兩西峽口等處集行王廷舟等之盡更又何止百也人為罰京文紙一刀刀為折價五錢關以內關以外一時紙價為之頓貴上北古等保富民楊大慶等不下四十餘家家令出貂皮二

張少者一張又不則張為折價一兩山以南
山以北一時輒貉為之不寧造冊攤派地銀
計二百餘兩而所費紙張工食十固不一也
修學修城罰馬克信銀八十兩已而又罰雷
國卿銀六十兩計修學費二十金耳修城半
之十又不一也最可笑者藉口出或飲呂
鄉約之家或飲李省祭之家廉隅喪而冠履
裂或留連而飲數日或沉湎而醉二參履馬
錯而杯盤空民怨已叢官歲大壞以上三臣

當照例罷斥為民者也。臣又訪得河南都司領班署都指揮僉事徐時雍、洞精、曠盼、縮頸、脅肩、安忍、無親士卒、不附倚掾房蔣汝坤為腹心、惟其撥置縱班頭趙京等為牙爪、大肆侵漁、染指常例、索四衛班官銀各十兩、絹布靴鞋副之。姚宗舜、陳一澄等切齒藉口操練。索弘農指揮銀各二十兩、千百戶半之。戚玉成、王家棟等怨聲士卒失伍者、案法從事可也。乃以點名不到、索管操指揮李茂春等各

銀十兩過付者管隊鈕宗如王仲舉也老弱
代役者查覈更換法也乃藉以為名罰軍人
韓洪等各紙價五錢其歛者軍牢陳科楊時
先也收養家丁四十名為名耳人為食工銀
十兩半實化為烏有趙秀才占軍一名馬一
匹為館穀耳乃縱子亦復占軍孫大濟等十
二名人皆鄙其狼貪邊軍米景之等班滿未
候點名人為細打四十足矣已而各罰銀二
三兩無乃以酷濟貪班軍張孕兒等應支月

糧肉為扣減百餘兩足矣已而又扣米二百
餘石可謂得隴盟蜀蓋見豺則戰見羊則悅
無乃澤麀蒙席真是以狼牧羊此一臣者所
當革任回衛者也伏乞

勅下吏兵二部查果臣言不謬將王夢鯉等分別
處治徐時雍革任回衛貪缺別選良牧良將
充之庶閭閻興鴻雁之歌士卒有鳧藻之樂
矣臣不勝惶悚待

命之至

更調縣令疏

為更調縣令以飭吏治以安民生事臣竊照中州各縣祥符設居省會最稱煩劇而安陽京省孔道兼以

藩府同城蓋素號難治者二縣正官俱當擇人今祥符縣知縣蕭重望安陽縣知縣劉道亨已經行取地方企想新令不啻望歲近閱六月選報二縣尚未銓補查得往來衝要縣分缺官每於附近簡僻縣令選擇更調地方稱

便臣會同巡撫河南右副都御史吳自新看
得新蔡縣知縣竇幼金操持最稱嚴謹才猷
更兼敏練堪以調補祥符鄆陵縣知縣何爾
健剴割雅宜盤錯執持不避豪強堪以調補
安陽其新蔡鄆陵二缺見有南召縣知縣葉
懋睢州判官盛尚志相應就近陞調蓋葉懋
政行勤慎而嚴邑之水土未宜盛尚志材幹
優長而衝途之困衡已久請以葉懋調補新
蔡盛尚志陞補鄆陵則于綜覈吏治之中兼

寓成就人材之意似為長便相應題

請伏乞

勅下該部再加查訪如果臣等所言不謬將知縣
甕幼金等查照臣等前議分別陞調庶吏治
因以交修而民生亦將永賴矣緣係更調縣
令以飭吏治以安民生事理臣等未敢擅便
為此理合具本專差承差王樂善親齎謹題
請

旨

代題請乞推恩疏

為比例陳情懇乞

聖慈推恩母氏以風藩服以隆治化事據河南布政使司經歷司呈奉使司劄付蒙臣批據本司會同按察司呈查過

周王母妃表氏守節孝睦緣由蒙批據
周王母妃表氏守節可風題

請表揚候會議行繳蒙此又蒙巡撫河南右副都御史吳自新批據本司呈同前事蒙批仰布

政司覆議通詳蒙此俱經覆行擬開封府申稱行准

周府長史司牒據紀善黃宋呈稱查得

周王母妃袁氏夫

周敬王於萬曆十一年六月二十九日薨逝時年四十三歲守節九年見年五十二歲又勘得

周王母幼承母訓恪守宮儀前同

敬王事姑徐母妃寢食主侍無間於寒暑間安

視膳不懈於朝夕克盡婦道必悅親心當
敬王薨逝之時正主少國疑之際禮以持身惠
以御下以故內外咸安宮壺胥慶念

敬王之遺孤憫

世子之尚幼教之詩書訓之禮法今

周王忠孝兩全仁明克著皆母妃訓導之功也
不惟教子成忠孝之名天且訓孫有養正之
善朝夕書堂風雨不避親近儒臣講讀不輟
及本生父母辭世三年素服罔間如施棺槨

濟貧難贖罪捨銀獄囚捨飯夏則施茶冬則施粥朱僊鎮中年縣修橋二座安遠門南薰門墊路數次此皆積粉賞之所為也雖古之關雎后妃何得專美也哉近見邸報

晉敬王內勛周氏賢行疏

請旌表

周王母亦以孝睦克全委與事例相合似應奏請或立坊旌表或加贈封號庶貞節不泯風化有勛等因據此復行據

宗學教授黃自中呈稱會同宗長勤美睦禾勤
殷勤黼朝達及監學宗生朝壻等五百三十
位結勘得本府

周王母妃袁氏賦性齊莊提躬泚慎青閨毓秀
蚤諧燕婉之求朱邱定祥晚著象恭之德侍
徐太妃則夔夔終日定省無間終始共多婦
內會羔相先敬園則侃侃中宵唱隨每寓歲
規咸謂夫前臯契勤孝思於

七廟詩繼采蘋洽慈惠於諸姬歌騰行葦克柔陰

教宅序閭儀甫鷄鳴罷警之辰正熊丸彈謀
之日毀容滅性形影自顧者一時飯糲衣赭
母子相依者三載勉

嗣王時修侯度茂多屏翰之忠賢教世孫日近
儒紳克奏岐嶷之懿美至於恩篤所出本源
無替有懷澤普多端賑恤必先無告尤其大
節不病細仁美等仰裨錫類之弘庥快覩旌
賢之曠典惟是事皆錄實非浮溢於口碑故
爾舉不避親敢披颺於肺石伏乞中察早

賜表揚等因具由各結呈長史司看得

周王母妃袁氏節行一一皆真相應表揚等因
備牒到府該本府知府陳廉看得

周王母妃袁氏質賦端方心存節孝賑恤逮於
黎元壹範垂諸奕業誠可風乎

藩服真有光於

聖朝既經長史司查有實跡相應奏

請表揚等因具申到司該本司左布政使徐用檢
會同按察司按察使郝學柱看得

周王母妃袁氏徽華早茂共肅夙敷事姑而婦
道克修仁尤逮下教子而劬勞備至謀且貽
孫聽內職有卷耳樛木之風處孤闈飾糲食
麤袍之節至於憫窮嘉惠尤見積善芳規既
經開封府并長史司督同

宗學宗生覆覈的確比例具呈前來又該本司
會議相同相應具

奏旌表合候會

奏施行等因又據該司呈蒙撫臣批擬

永寧汝陽臨汝曲江等王府教授及鎮輔奉國
將軍中尉安泐朝壤睦擁朝塗等呈稱切照
周王天性純朴賦資聰敏勤學好問樂善親賢
祛聲色之浮華晰綱常之大道每遇

聖節令旦齋戒三日祝延

萬壽

御書詔勅趨搶叩迎如對

當宁前事父

敬王有疾湯藥親嘗晝夜侍立籲天身代及薨

哭辨慟氣幾至滅性居廬蔬食三年不入宮
闈四時潔陳祭享今奉

妃母慈侍愉色承顏問安視膳定省無間於晨
昏祈祝齋素於週歲友于昆弟惇睦宗族寬
恤群下綏服庶民忠孝兼全仁義並盡主藩
端規於上列宗觀感於下中外相安咸熙樂
土藩疆賴以肅謐地方由以協輯也似此孝
行惇懿卓異式合明例訖等公舉實無間於
宗族之言古訓攸徵今尤益信伏望代

奏等因各具呈俱蒙批仰布政司查覈詳奏
此又據本司經歷司呈蒙前按臣林文英批
據各

王府教授并

宗室安混等各呈同前事俱蒙批布政司查報
蒙此已經劄行開封府查覈續據該府申行
准

周府長史司牒據紀善黃宋呈稱查得
周王忠貞天植孝友性成凡遇

聖節令旦齋戒嵩祝如接

天顏御書勅詔趨走叩拜如對

當宁前事父

敬王當其邁疾尚在冲年侍寢嘗藥朝夕弗離
禱神延醫籲天請代逮乎薨逝晝夜悲泣苦
塊歎粥屏去珍饌及其歸葬扶輦百里外不
憚步勞哀麻三年中一循古禮今事

妃母先意順志愉色承顏之省無間於晨昏稟
命不違於終始且好學不倦延禮師儒講讀

惟勤博覽經史敦睦宗族約束豪橫恪守三
章克遵

祖訓喪葬有賻婚嫁有資散銀以賑饑民發粟以
給寒士懿德誠孚手輿論實行允合乎人情
雖古之河間東平不過是也等因具呈長史
司看得

周王孝行纖悉皆真委與要例照合相應旌表
等因備牒到府轉申到司該本司左布政使
徐用檢看得

周王溫純出於天植孝友因於自然節旦拜祝而儼咫尺於不違敬

君之心可想晨昏寧慶而務婉愉以承志睦母之愛何慙虔祝慎終恪遵禮制聯宗御下不替慈祥至於辭本身之薦揚顯

母妃之賢淑尊親尤見其孝大雅庶幾不群信藩服之儀刑

親王之楷範也既經開封府并長史司覈勘明實又與要例相合似應具

奏旌表合候會議施行等因各備呈到臣據此
簿查先據

永寧等王府教授及

宗室安汎等各呈舉

周王孝行等情俱經批行布政司查勘間萬曆
十九年十二月內奉都察院巡按河南五千
九百九十八號勘劄准禮部咨該

周王肅濬奏前事本部看得

周王奏稱母妃袁氏守節情由辭免本身薦舉

乞要勘實旌表一節中間未委虛的相應行
勘為此合咨前去煩為轉行河南巡按御史
備查

周王母妃袁氏夫亡時年若干歲守節若干年
見年若干歲委有孝睦事蹟備查明白具奏
前來以憑題覆施行等因移咨備劄前來已
經案行該司會同按察司從實查勘及將
周王孝行并勘去後今據前因查得

宗藩要例內開

宗室中有孝友兼至及婦女守節貞烈足以激
勵風化者各具實跡奏

聞以憑覈勘明白或立坊旌表或請

勅獎諭或加贈封號長史教授官并宗儀人等不
許需索抑勒亦不許扶同欺罔有孤

恩典除欽遵外該臣會同巡撫河南右副都御史
吳自新議照

周王母妃袁氏性資淑慎志行端貞相夫而閭
閻範克修不愧鷄鳴之儆教子而母儀慎肅式

貽燕翼之謀恩每篤於宗親惠常周於閭里
再照

周王肅濬孝友性成忠貞世篤瞻

天顏於咫尺夙夜靖恭守親訓於冲年始終齋慄
強宗之鈴束甚謹筑民之賑恤尤勤蓋母妃
賢能訓子其節益彰而

周王善必歸親其孝彌著寔為

天潢之盛事允稱藩服之表儀既經該司府查勘

明確相應題

請但

親王

恩典出自

朝廷非臣等所敢擅議伏乞
勅下禮部再加查議上
請定奪

代題請乞卹典疏

為循例請乞

卹典以彰

聖治以勵後人事據河南布政使司經歷司呈奉
使司劄付蒙_天批據已故禮部左侍郎兼翰林院侍讀學士張一桂男生貢張堯咨呈稱
父張一桂登隆慶戊辰科進士選翰林院庶
吉士授編脩父居史館纂修實錄會典

國史進

經筵日講官歷陞今職南北奔馳勞悴成疾於
本年八月二十九日以赴任卒於中途查得
大明會典內開一款凡三品文官其以侍郎兼學
士贈尚書者祭二壇不拘已未考滿給與全
葬及查侍郎兼侍讀學士周子義未經考滿
病故蒙

恩照例給與祭葬謚廕今父居官履歷與周子義
相同其

經筵日講父効勞績尤多呈乞念父居官微勞

所有謚廕卹典事宜代為奏請則父雖死之日猶生之年也等情蒙批布政司查報蒙此又蒙巡撫河南右副都御史吳自新批據生員張堯咨呈同前事蒙批仰布政司查議速報蒙此行據開封府申據祥符縣申稱查得本縣今故鄉宦禮部左侍郎張一桂由戊辰進士授翰林院庶吉士陞本院編修陞修撰陞侍講陞右春坊陞右諭德調南京兵部職方司員外陞國子監司業陞祭酒陞太僕寺

卿掌國子監祭酒事陞南京吏部右侍郎今
歷陞禮部左侍郎兼翰林院侍讀學士八月
十二日南京啟行赴任於本月二十九日申
時卒於河南歸德府永城縣公館及查本官
係三品京職今在仕途病故似當

請給卹典但贈謚重典例該禮部議擬奏

請處難定議等因申府該本府知府陳廉看得該
縣鄉宦禮部侍郎兼翰林院侍讀學士張一
桂京職三品侍講帷幄今方被

新命遽爾病故相應照例

請給卹典第祭葬謚廕例候禮部議擬定奪取自
上裁等因具申到司查得

大明會典內開一款凡三品官曾經考滿者祭一
壇全葬未經考滿者祭一壇減半造葬其以
侍郎兼學士贈尚書者祭二壇不拘已未考
滿給與全葬除遵行外看得已故鄉宦張一
桂河嶽抽英圭璋其跼少登中秘吹簋學徹
天人身際

熙朝載筆班麟猷高入則嘉謨嘉猷之畢告放心
沃心退而令儀令色之是持不茹不吐勁氣
亭亭而直上匪躬蹇蹇以在公三度壁門南
北樹人益茂廿年雲路泰華繫望彌崇其純
見古人之風忠勤多大臣之節茲者方承

簡命入贊春曹一時望其經綸四體由之展布豈
期遽蒙霜露倏焉溘委泉壚士紳重其咨嗟
鄉井為之流涕蓋稽行論素誠無玷于公評
而崇德酬功實尤關于

聖化今據生員張堯咨所呈

卹典似與

會典相合但典出

特恩事由

廟議合候會

奏定奪等因備呈到臣據此薄查先據生員張

堯咨呈前事已經批行該司查報去後今據

前因該臣會同巡撫河南右副都御史吳自

新看得已故鄉宦南京吏部右侍郎今歷陞

禮部左侍郎兼翰林院侍讀學士張一桂文
學宏深性行端慎執經

講席素行致

主之忠敷教成均久懋興賢之績銓部之聲猷甚
著清曹之

簡命方新已抵中途倏驚長逝堂上八旬老母隻
影堪憐庭前五尺孤兒餘恩未逮縉紳共為
嗟悼鄉邦咸切悲哀所有應得

卹典既經司府查報前來相應題

請伏乞

勅下禮部再查本官生平履歷果符臣等所言照
例議覆施行緣係循例請乞

卹典以彰

聖治以勵後人事理臣等未敢擅便為此理合具
本專差承差李茂實親齎謹題請

旨

代題懇乞 卹典疏

為懇乞

請給卹典事據河南布政使司經歷司呈奉使司
劄付據河南府申據洛陽縣申稱據生員董
對策呈稱策父已故戶部左侍郎董堯封由
癸丑科進士除授直隸廬州府推官行取選
授山東道監察御史陞太僕寺少卿調山西
按察司副使歷陞本省布政司右叅政太僕
寺少卿提督操江南京都察院右僉都御史

實厯俸二年二個月調浙江布政司右叅議
陞應天府府丞於萬曆十一年五月內到任
陞巡撫甘肅都察院右僉都御史兩任實厯
四品俸一年十個月十三年四月內陞南京
工部右侍郎未任告

請侍養十六年十二月內丁母憂十九年三月內
服闋起復南京總督糧儲戶部右侍郎本年
六月內到任本年十月內改北京戶部右侍
郎陞本部左侍郎赴任便道抵家於萬曆二

十年正月二十一日病故止實歷三品俸五
個月四品三品俱未經考滿先於萬曆十三
年八月內該閱視巡按屠御史題薦甘肅邊
功荷蒙

聖恩欽賞銀二十兩紵絲三表裏照依陞職給與
應得

誥命已於十四年十月內開領訖竊照策父歷任
京官四品三品雖未考滿然効有邊功已實
給得南京工部右侍郎三品

中州疏稿

誥命似與已經考滿者相等所有應請祭葬贈官卹典呈乞轉達撫按代為具

奏施行等因具申到府轉申到司據此查得隆慶三年十二月二十三日奉准禮部照會為
申飭

具例以杜冒濫事該本部題內開今後兩京大臣致仕養病給假在家病故於例應得

卹典本處有司限三箇月以裏即與具

奏奏內止許直陳履歷聽候處分不得別加品

題眩亂名實本部查果與例相合別無違礙者一體議覆等因題奉

欽依照會前來通行遵依外今照洛陽縣已故鄉官戶部左侍郎董堯封係見任三品京官在籍病故查例應

請卹典等因備呈到臣該臣會同巡撫河南右副都御史吳自新看得洛陽縣已故鄉官戶部左侍郎董堯封居鄉素稱孝友立

朝茂著聲猷攬轡東吳惠澤久濡于江海建牙

西鄙威名丕震于華夷雲霄之

新命方隆月旦之公評允協既經該司府縣查明

應給

卹典相應題

請伏乞

勅下禮部再查本官生平履歷果符臣等所言照
例議覆施行緣係懇乞

請給卹典事理臣等未敢擅便為此理合具本專

差承差蔡華魯親齎謹題請

音

五

三

六

撫臣服闋疏

為撫臣服闋事據河南布政使司經歷司呈
奉使司劉付蒙臣批據開封府許州襄城縣
申照得本縣鄉官原任巡撫寧夏都察院右
副都御史姚繼可先因母白氏於萬曆十七
年十月十六日在任病故本官丁憂回籍守
制扣至萬曆二十年正月十六日止不計閏
二十七個月服制期滿理合申報等因具申
照詳蒙批布政司查報蒙此又蒙巡撫河南

右副都御史吳自新批據襄城縣申同前事
蒙批撫臣服闋例應具

題仰布政司查明速報蒙此依蒙行據開封府
申據許州備襄城縣申稱行據本縣純孝坊
里老隣佑孫承蘭等各結稱查得服闋鄉官
原任巡撫寧夏都御史姚繼可自丁憂守制
至服闋以來並無違碍結由到縣覆查相同
等因申州轉府備申到司具呈到臣該臣會
同巡撫河南右副都御史吳自新議照原任

巡撫寧夏都察院右副都御史姚繼可顯昂
甯望經濟宏才砥節薇垣聲久隆於關陝宣
威栢府功愈懋于賀蘭卓為河洛之英尤堪
鎖鑰之寄既經丁憂服闋查無違碍相應具
題伏乞

勅下吏部查議照例起復推用